


Broj: 03-017-1439/2020
Bihać, 27.02.2020. godine

SKUPŠTINA UNSKO-SANSKOG KANTONA

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



PREDMET: Informacija o stanju nasilja u porodici na području Unsko-sanskog kantona za 2019. godinu, dostavlja se;-

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Informaciju o stanju nasilja u porodici na području Unsko-sanskog kantona za 2019. godinu, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 27.02.2020. godine razmatrala Informaciju o stanju nasilja u porodici na području Unsko-sanskog kantona za 2019. godinu i Zaključkom broj: 03-017-1439/2020 primila na znanje Informaciju o stanju nasilja u porodici na području Unsko-sanskog kantona za 2019. godinu, obrađivača Ministarstva unutrašnjih poslova i isti Vam se dostavlja na razmatranje.

S poštovanjem,

Prilog: - Informacija o stanju nasilja u porodici na području Unsko-sanskog kantona za 2019. godinu (6x)

Dostavljeno:
1.Naslovu
2.a/a



Po ovlaštenju premijera Kantona
ministar Ministarstva za građenje,
prostorno uređenje i zaštitu okoliša
Adnan Alagić, dipl.ing.građ.



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj: 5/08), na prijedlog Ministarstva unutrašnjih poslova, Vlada Unsko-sanskog kantona na sjednici održanoj dana 27.02.2020. godine, d o n o s i

ZAKLJUČAK

I

Prima se na znanje Informacija o stanju nasilja u porodici na području Unsko-sanskog kantona za 2019. godinu i ista se upućuje Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-1439/2020
Bihać, 27.02.2020. godine



Po ovlaštenju premijera Kantona
ministar Ministarstva za građenje,
prostorno uređenje i zaštitu okoliša
Adnan Alagić, dipl.ing.grad.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona”, broj: 9/17), na prijedlog Ministarstva unutrašnjih poslova, Skupština Unsko-sanskog kantona na sjednici održanoj dana _____ 2020.godine, donosi:

ZAKLJUČAK

I

Prima se na znanje Informacija o stanju nasilja u porodici na području USK za 2019.godinu.

II


Ovaj Zaključak stupa na snagu danom donošenja .

Broj: _____
Dana: _____ 2020.godine

Zamjenik predsjedavajućeg
Skupštine Unsko-sanskog kantona

Razim Halkić

**BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA**



**BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR**

UPRAVA POLICIJE

**Broj: 05-04041-04-19/20
Dana: 18.02.2020.godine**

INFORMACIJA

**O STANJU NASILJA U PORODICI
NA PODRUČJU UNSKO-SANSKOG KANTONA
U 2019.GODINI**

Bihać, februar 2020. godine

SADRŽAJ

I UVOD	3
A – Opća zapažanja o nasilju u porodici	4
II STANJE NASILJA U PORODICI	5
A – Stanje u 2018.godini	5
III OCJENA STANJA	7
A – Osnovna ocjena	7
B – Rezime	8
C – Prijedlog mjera	9

I UVOD

Izradom Informacije o stanju nasilja u porodici na području Unsko-sanskog kantona Ministarstvo unutrašnjih poslova nastavlja kontinuitet i praksu da se problematika ove vrste nasilja detaljnije obradi, a mjesečni i periodični podaci prikazuju se i u izvještajima o radu.

Nasilje u porodici predstavlja ozbiljnu sigurnosnu pojavu čije posljedice trpi čitavo društvo, a za čije je rješavanje pored policije, koja se uglavnom bavi posljedicama, te je za adekvatan pristup potrebno angažirati i druge institucije i stručnjake različitih specijalnosti.

Izloženost žena, kao najbrojnijih žrtava, ima duboke korijene u patrijarhalnoj strukturi društva i tradicionalnoj podjeli spolova. Promjene u javnom životu poput rata, neimaštine, gubljenja zaposlenja u značajnoj mjeri utiču na odnose među ljudima i pogoduju nasilju kako u porodici, tako i izvan nje.

Nepobitna je činjenica da većina žrtava (posebno žena) ne prijavljuje nasilje u porodici, jer po svaku cijenu žele sačuvati porodicu i spremne su žrtvovati sve za nju, bilo zbog tradicionalnog shvatanja porodice ili zbog neizvjesnosti oko podizanja i odgajanja djece, nedostatka finansijskih sredstava i dr.

Ova vrsta nasilja događa se u cijelom svijetu, gdje prouzrokuje duševne i tjelesne tegobe, uništava porodicu tako da se ne može i ne smije tolerisati.

U skladu sa Pravilnikom F MUP-a policijski službenici USK-a vrše unos podataka krivičnog dijela nasilja u porodici u Gender bazu kako bi svi podatci bili dostupni nadležnim sudovima i tužilaštvu, kao i nadležnim JU Centrima za socijalni rad.

Uprava policije Ministarstva unutrašnjih poslova Unsko-sanskog kantona je i u proteklom periodu ostvarilo zadovoljavajući nivo saradnje, kako sa centrima za socijalni rad, tako i sa pravosudnim organima, obrazovnim ustanovama, međunarodnim i drugim organizacijama i drugim institucijama kao i sa „Sigurnom kućom“ u Bihaću.

Posebno je značajan rad tzv. RPZ policajaca, koji su određeni za „rad policije u zajednici“, u koji je uključen i određeni broj žena policijskih službenika, kojima žene, kao najčešće žrtve nasilja „lakše“ povjeravaju probleme nasilja (na nivou Uprave policije MUP-a USK-a ukupno je 29 policijskih službenika zaduženo za navedenu oblast, od toga 5 žena).

Također, značajan preventivni rad se ostvaruje kroz rad policijskih službenika Sektora kriminalističke policije Odsjeka za maloljetničku delikvenciju, seksualne delikte i nasilje u porodici, koji kroz praćenje stanja „Nasilje u porodici“ usmjeravaju prate rad policijskih službenika koji se bave ovom problematikom, te u ovoj oblasti ostvarena je saradnja sa vladinim i nevladinim sektorom, a policijski službenici se i dalje educiraju za rad u ovoj oblasti. Žrtve se sve više i češće odlučuju da prijave nasilje, ali su i dalje kod jednog dijela prisutne razne zablude, strah itd., što se može otkloniti proaktivnim djelovanjem policije.

U vezi poboljšanja stanja u oblasti nasilja u porodici kroz analitičko praćenje stanja iz navedene oblasti, te na osnovu Zaključka Skupštine Unsko-sanskog kantona, Vlada Unsko-sanskog kantona imenovala je interesornu grupu za izradu Akcionog plana za prevenciju i borbu protiv nasilja u porodici za period 2016.-2018.godina na području Unsko-sanskog kantona. U izvještajnom mjesecu urađen je i prijedlog mjera i aktivnosti Uprave policije MUP USK-a, a koji se odnosi na izradu Akcionog plana za prevenciju i borbu protiv nasilja u porodici koji je prosljeđen Ministarstvu zdravstva, rada i socijalne politike.

Policijski službenici kroz razna edukativna predavanja, samostalno ili sa drugima, na seminarima, okruglim stolovima, kroz istupe u medijima i raznim saopćenjima za javnost na nivou općina, nastoje ojačati svijest žrtava da prijave nasilje, jer se iz straha od nasilnika, osude sredine,

ekonomske ovisnosti, zabluda, ovo nasilje ne prijavljuje, čime se ono ponavlja i u nekim slučajevima postaje intezivnije .

Iz tog razloga „nasilje u porodici“ također spada u tamnu brojku kriminaliteta jer se mnoga djela nasilja prikrivaju, prešućuju i mogu se otkriti samo proaktivnim radom policije u zajednici.

Saznanja ukazuju da je ipak svjesnost žrtava u porastu i da se sve češće odlučuju prijaviti nasilje.

A - Opšte zapažanje o nasilju u porodici

Nasilje u porodici je ponašanje kojim član porodice ugrožava tjelesni integritet, duševno stanje ili spokojstvo drugog člana porodice. Pojavljuje se u raznim oblicima kao fizičko, seksualno, psihičko i emotivno, ekonomsko, duhovno itd. Kao žrtve pojavljuju se najčešće žene (supruge), a zatim, djeca, muškarci, stara i nejaka lica.

Pod pasivnim zlostavljanjem podrazumijeva se suptilan vid nasilja kao što su dvosmislenost, prebacivanje krivice, zapostavljanje i sl., koje se uglavnom teško uočava kao nasilje, a obično vodi i završi kao fizičko nasilje.

Na ovim područjima i pored toga što se rat završio prije više od 20 godina u mnogim porodicama postoje ljudi koji su prošli užase rata (logori, razna mučenja, gubljenja članova porodice itd.) što je ostavilo dugoročne traume, a kod nekih je prisutan i posttraumatski stres.

Siromaštvo, nemogućnost obezbjeđenja sredstava i boljih uslova za život, patrijahalni odgoj, alkoholizam i sl. također može dovesti do nasilja u nekim, naročito socijalno zapuštenim porodicama.

Pored toga što je kao relativno novi oblik kriminaliteta uvedeno prije 11 godina (član 222 KZ FBiH) nasilje u porodici se vrši i kroz druge grupe krivičnih djela: protiv života i tijela (ubistvo, TTP, LTP) i protiv polne slobode i morala (silovanje, rodoskrvnuće, bludnje radnje), te protiv braka, porodice i mladeži (zapuštenje ili zlostavljanje djeteta i maloljentika i sl.). Žrtve su članovi porodice.

Potrebno je i dalje vršiti opremanje prostorija za rad sa žrtvama, koja su ponekad djeca. Na području kantona evidentan je i nedostatak adekvatnih prostora za sprovođenje zaštitnih mjera koje izriču sudovi, a pored Sigurne kuće u Bihaću ne postoji prostor na područjima drugih općina za smještaj muških žrtava i sl., mada su ovakve žrtve rijede.

Promatra li se ukupno nasilje za period 2011-2019.godina evidentno je da je „nasilje u porodici“ u porastu, naročito kada su u pitanju krivična djela iz člana 222. KZ FBiH.

TABELARNI PRIKAZ KD NASILJA U PORODICI
2011 – 2019.godina

GODINA	KD
2011.	155
2012.	140
2013.	162
2014.	174
2015.	134
2016.	141
2017.	154
2018.	137
2019.	173
UKUPNO	1.370

**TABELARNI PREGLED BROJA OSTALIH KD SA ELEMENTIMA
NASILJA U PORODICI (2011-2019)**

NAZIV GRUPE KD	GODINA								
	2011	2012	2013	2014	2015	2016	2017	2018	2019
KD protiv života i tijela	64	54	72	108	28	4	105	88	86
KD protiv spolne slobode i morala	10	3	11	6	0	0	16	22	19
KD protiv braka, porodice i mladeži	213	168	177	190	138	156	162	160	182
UKUPNO	287	225	250	304	166	160	283	270	287

II STANJE NASILJA U PORODICI

A – Stanje u 2019.godini

Organizacione jedinice Uprave policije su u 2019.godini evidentirale ukupno 183 slučajeve nasilja u porodici, od čega 173 krivičnih djela nasilja u porodici i 10 prekršaja iz Zakona o zaštiti od nasilja u porodici. U poređenju sa 2018.godinom broj slučajeva krivičnih djela nasilja u porodici povećan je za 36 slučajeva ili 26,2 % dok je smanjen broj prekršaja za 21 ili 100%, te kad se zbroje KD i prekršaji po Zakonu o zaštiti nasilja u porodici (183) bilježimo povećanje za 15 slučajeva što je za 8,9 % više u odnosu na 2018.godinu.

**TABELARNI PREGLED UPOREDNIH PODATAKA O UKUPNOM NASILJU
U PORODICI ZA 2018. I 2019.GODINU**

GODINA	BROJ KD	BROJ PREKRŠAJA	BROJ OSTALIH INCIDENATA	SVEGA
2019.	173	10	0	183
2018.	137	31	0	168
RAZLIKA + -	+36	-21	=	+15
RAZLIKA %	+26	-100	=	+8

Ukupno je evidentirano 173 počinioca slučajeva nasilja u porodici, što je više za 15 lica ili 8,9 % u odnosu na uporedni period.

Na području Unsko-sanskog kantona evidentirano je ukupno 201 žrtava nasilja u porodici (krivična djela nasilje u porodici, prekršaji i incidenti), što je manje za 5 (ili 2,4 %) u odnosu na 2018.godinu. Nerijetko su žrtve djeca, što se odražava na psihi samog djeteta.

Najčešća vrsta nasilja je fizičko, zatim ostali slučajevi nasilja, psihičko, ekonomsko a najrijeđe je seksualno nasilje.


Uzimajući u obzir i druga krivična djela u kojima se evidentiralo nasilje u porodici u 2019.godini, ukupno su nastupile posljedice kod 150 lica, što je za 56 lica (ili 37,3 %) više u odnosu na 2018.godinu. LTP je zadobilo 150 lica, dok nije bilo lica koja su zadobila TTP.

KRIVIČNA DJELA

Na području Unsko-sanskog kantona evidentirano je ukupno 173 krivičnih djela iz člana 222. KZ F BiH (nasilje u porodici), što je za 36 (ili 26,2 %) više u odnosu na 2018.godinu.

UPOREDNI TABELARNI PREGLED BROJA KD NASILJE U PORODICI PO OPĆINAMA

OPĆINA	2019.	2018.	RAZLIKA	
			+ -	%
BIHAĆ	59	41	+18	+43
B.KRUPA	3	9	-6	-100
B.PETROVAC	5	4	+1	+20
CAZIN	32	35	-3	-8
V.KLADUŠA	44	26	+18	+69
BUŽIM	4	4	=	=
S.MOST	17	7	+10	+100
KLJUČ	9	11	-2	+18
UKUPNO	173	137	+36	+26



Do povećanja broja krivičnih djela došlo je na području grada Bihaća (18), Sanskog Mosta (10), Velike Kladuše (18), Bos. Petrovca (1) dok je do smanjenja došlo na području grada Bosanske Krupe (6), Cazin (3), dok je na području općine Bužima identičan broj KD u odnosu na prošlu godinu (4).

Ova krivična djela počinilo je 184 lica, među kojima su 25 povratnika, maloljetnika nije bilo i 159 ostalih počinioca.

Broj KD-a „nasilje u porodici“ u odnosu na 2018. godinu je veći za 36 ili 26,2 %.

Pored navedenog, nasilje u porodici, kako je već navedeno, pojavljuje se i kroz određen broj drugih krivičnih djela iz KZ F BiH (grupa KD protiv života i tijela, grupa KD protiv spolne slobode i morala i grupa KD protiv braka, porodice i mladeži).

U 2019. godini evidentirano je ukupno 287 (više za 17 ili 6,2 %) krivičnih djela iz navedenih grupa i to iz grupe krivičnih djela protiv života i tijela evidentirano je 86 krivičnih djela, KD protiv spolne slobode i morala evidentirana su 19 KD-a, KD protiv braka, porodice i mladeži evidentirano je 182 KD-a.